

LETTRE DU ROY,

ENVOYEE A MESSIEURS LES PREVOST
des Marchands & Escheuins de la bonne Ville de
de Paris, au subjet du siege mis deuant Cambray
par l'Armée de sa Majesté, commandée par Mon-
seigneur le Comte d'Harcourt.

*Apportée le trentième iour de Iuin par le Sieur de Saintot
Maitre des Ceremonies du Roy.*



A P A R I S,
Chez P. ROCOLET Impr. & Libr. ordin. du Roy,
& de la Maison de Ville, Au Palais, aux Armes
du Roy, & de la Ville.

M. DC. XLIX.
Avec Privilege de sa Maieité.

LETTRE DU ROY


EN VUE A MESSIEURS LES PREVOST
des Marchands & Eschevins de la bonne Ville de
Paris, au sujet du legs que de son vivant
parl Arde de la Ville, comensable par Mon
seigneur le Comte d'Artois.

Après la lecture que de son par le sein de ses
Messieurs les Comensables du Roy.



A PARIS
Chez P. ROBERT impr. ord. du Roy
de la Maison de Ville, au Palais, aux
du Roy, & de la Ville.

M. DC. XLIX
Avec Privilege de la Ville.



DE PAR LE ROY.



RES CHERS ET BIEN AMEZ,
 Comme nous ne pouuons doubter que
 nostre bonne Ville de Paris ne souhaitte
 avec autant de passion, le succez de nos
 desseins, qu'elle est interessée aux prof-
 peritez de cét Estat, & que tous les bons
 Bourgeois & habitans d'icelle ont tousiours parû & se
 monstrent iournellement de plus en plus affectionnez
 à nostre personne & à nostre seruice: Aussi nous ne
 pouuons faire vne entreprise de si grande consequence
 que celle du siege de Cambray sans leur en donner
 part : C'est pourquoy nous auons bien voulu par l'aduis
 de la Reyne Regente nostre tres-honorée Dame &
 Mere, vous faire sçauoir qu'apres auoir differé pendant
 quelque temps à employer nos armées contre les forces
 des Espagnols, croyant qu'ils se rendroient capables
 d'entendre à la Paix, par le besoin qu'ils en ont aussi
 grand dans leurs Estats, comme est le desir que nous
 auons de la procurer à nos Subjets, & par les ouuertes
 raisonnables qui leur en ont esté faites, avec nostre parti-
 cipation par l'entremise du Nonce du Pape, & de l'Am-
 bassadeur de Venize prés de nous, qui s'y sont portez
 avec beaucoup d'affection & de soing. Nous auons en

fin recogneu que nos ennemis auoient encor des esperances secrettes de veoir renouueller les mouuemens passez dans nostre Royaume, & de reestabliir leurs affaires par cette voye qui leur faisoient mépriser toutes propositions de Paix: en sorte qu'il estoit absolument necessaire de leur faire sentir derechef qu'ils ne peuuent attendre que du dómage en continuant la guerre contre la France, & qu'il n'y auroit rien ny au dedans ny au dehors qui l'a peut empescher de combattre l'Espagne avec aduantage, comme (graces à Dieu) elle l'a presque tousjours fait iusques icy. Si bien qu'apres auoir donné quelque repos à nos troupes, & ne voulant plus les laisser à charge à nostre frontiere, ny à aucunes des Prouinces de nostre Royaume, Nous nous sommes aduancez de deça en personne, accompagné de nostre tres cher & tres amé Oncle le Duc d'Orleans pour resoudre avec luy ce que nous aurions à executer, & donner chaleur à l'employ de nos armées de Flandres, de Luxembourg: & aussi tost qu'elles ont peu estre assemblées nous les auons enuoyez attaquer Cambray comme vne place des plus considerables de toutes celles qui recognoissent la Couronne d'Espagne, de la perte de laquelle, s'il plaist à Dieu de fauoriser nos armes, comme la Iustice de nos desseins nous la peut faire esperer, nos ennemis ressentiront vn prejudice insigne qui les pourra bien faire penser serieusement à desirer le repos public, & nous en receurons vn bien tres notable avec tout nostre Royaume, & specialement nostre bonne Ville de

Paris

5

Paris en estendans nos limites & assurant nostre frontiere du costé qui en est le plus proche: outre que nous rentrerons en vne des plus ancienne & plus illustre possession des Roys nos predecesseurs, ayant donc faict jnuestir la place par nostre tres-cher & tres-amé Cousin le Comte d'Harcourt nostre Lieutenant General commandant nostre armée, le vingt-cinquiésme du present mois, avec ordre de bien sçauoir l'Estat de la garnison, avant que d'en former le siege; Nous venons d'auoir aduis de luy qu'apres auoir sçeu qu'il n'y auoit pas dans la place vn assez grand nombre de gens de guerre pour en rendre la prise impossible il y auoit estably ses quartiers, & commencé de faire trauailler à la circonualation, & si diligemment qu'en trois jours, il en a faict la cinq ou sixiésme partie, & qu'il espere dans peu de temps d'auoir acheué le reste à quoy nous n'obmettrons aucun ordre ny soing de nostre part, esperant d'vn si bon acheminement que nous en aurons avec l'assistance diuine vne heureuse issue, ce que nous ferons bien aise que vous communicqiez à nos bons & fideles sujets de nostre dite Ville: Vous exhortants de continuer à vous employer pour faire que pendant que toutes nos pensées sont appliquées, & nos armes occupées à vn effect qui peut estre de si grande vtilité au general de nostre Royaume, & particulièrement de nostre dite Ville, elle

demeure dans vne parfaite tranquillité , Et que tous les faux-bruits & Libelles qu'on fait resprendre par chacun jour ne causent aucun mauvais ouement , & ne fassent impression sur l'esprit du peuple , au prejudice de la sincerité de nos intentions , & de nostre derniere Declaration si solemnellement publiée , & si ponctuellement executée , & nous promettant bien que vous y apporterez vostre bonne conduite , & fidelité accoustumées dont nous auons vne entiere satisfaction , Nous ne vous en dirons pas d'auantage ; **DONNE** à Amiens , le vingt-huictiesme jour de Iuin , mil six cens quarante-neuf. Signé, **LOVYS**; Et plus bas. **DE GVENEGA VD.** Et sur la Subscription est escrit.

*À nos tres-chers & bien amez les Prestrofts des Marchands
& Eschenins de nostre bonne Ville de Paris.*

